

TIKNI VERZIA

Kulturno plani

Kronoberg 2025–2028

ONS



REGION
KRONOBERG

Akava mangela o Regioni Kronoberg!

Jekh šukar đivdipe ko šužo Kronoberg

I vizia kotar o Region Kronoberg tano jekh šukar đivdipe ko šužo Kronoberg. Amen mangaja te ovel tuče atraktivno te beše aka-te hem te čere buti. I kultura čerela te ovel jekh dinamično, phravdo hem demokratsko Kronoberg. O kulturno plani tano i glavno strategija ki buti premali i vizia so isi ko Region Kronoberg.

Respekt e manušese

Ko Region Kronoberg najvažno tano o respekt e manušese. Amen zaštitinaja svako manušesoro pravo ki kultura hem slobodno mišljenje. O kulturna pravija značinenena so šaj o manuša te doživinen kulturna avanture, ama hem kokri te oven jekh delo kotar i umetnost.

Kultura hem demokratia

Ki Švedska isi yttrandefrihet (ustavno zakon kaj svako manuš isi olje pravo ko vačeribe hem mišljenje), umetničko sloboda hem svako manuš isi olje pravo ki kultura premalo ustav so tano jekh važno delo kotar amari demokratia. Kultura valjani te ovel ki celo phuv. Ki nacionalno, regionalno hem komunalno kulturno-političko buti, glavno hem početno tačka tani i demokratia hem o manušikano pravo.

O nacionalno kulturno-političko cilj tani startno tačka

Kulturno plani Kronoberg 2025–2028 isi olje pi startno tačka ko nacionalno cilji so i vlada anda odluka i kulturno politika te ovel **nezavisno, participialno hem društveno**:

NEZAVISNO CILJI

I kultura valjani te ovel dinamično, izazovno hem nezavisno, kaj o slobodno vačeribe (yttrandefriheten) tano osnova

PARTICIPIALNO

Sarine isi oljen šansa te oven ko kulturno đivdipe

DRUŠTVENO

Kreativiteti, pluralizmi hem umetničko kvaliteti ka formirini o progresi ko društvo

Trin bare kulturno-politička ciljija kaj isi šov prioriteta so anela o kronoberg đi ko cilji ko 2025–2028

O Region Kronoberg tano aktivno premalo kvalifikacije so isi ko Kronoberg ko akava delo kotar i phuv, centar ki teluni Švedska, te ava popaše đi ko kulturno-političko cilji. Amen odova čeraja zajedno e državaja, kaj o ofto komune ko akava regionu pomožinena ko profesionalno kulturno đivdipe, civilno društvo, regionija ki teluni Švedska hem o manuša so bešena hem o manuša so avena ki poseta ki Kronoberg.

Amen zaštitinaja e kulturakoro modeli hem o zoraljipe maškaro o nacionalna, regionalna hem komunalna prioriteta – baš o jekh barvalo hem dinamično kulturno đivdipe ki celo phuv. Sarine barabar garantirinaja jekh baro hem inkludirimo kulturno đivdipe akate ki Kronoberg.

O ka ovel 2025–2028?

O Regioni Kronoberg isi olje formalno odgovornost baš o kulturno plani, ama čerela pe averencar ki saradnja. Čitin pobuter sar o prioriteta ovena konkretna investicije ko Kulturno plani Kronoberg 2025–2028.



Ko kronoberg i kultura ka ovel dinamično, izazovno hem nezavisno, kaj o slobodno vačeribe tano osnova

Nezavisno cilji

- 1 Amen mangaja jekh sigurno hem zoralo kulturno đivdipe ko kulturno pluralizmi, kvaliteti hem umetničko neviše ko Kronoberg
- 2 Amen čeraja te ovel pozoralo o profilu kotar Kronoberg ki umetničko sloboda, vačeribe hem literatura



Ko kronoberg sarine isi oljen šansa te oven delo kotar o kulturno đivdipe

Participialno cilji


- 3 Amen ka čera o kulturno đivdipe te ovel dostopno ki Kronoberg – akate but lokheste šaj te ove delo kotar i kultura
- 4 Amen garantirinaja e tiknende hem e ternende vredno kulturno đivdipe akate ki Kronoberg



Ko kronoberg o kreativiteti, pluralizmi hem umetničko kvaliteti ka formirini o progresi ko društvo

Društveno cilji

- 5 Amen vazdaja e kulturakoro hem e civilno društvosoro nivo te oven amen jekh stabilno Kronoberg
- 6 Amen vazdaja e kulturakoro hem e civilno društvosoro nivo o manuša te osetinen pe pošukar hem te čera jekh poatraktivno Kronoberg





Nezavisno cilji

Ko kronoberg i kultura ka ovel dinamično, izazovno hem nezavisno, kaj o slobodno vačeribe tano osnova

O kulturno-političko nezavisno cilji inkludirini e kulturakoro vrednost hem o osnovna kvalifikacije. Ki jekh demokratsko phuv o društvo barjola ked e kulturakoro baripe tano slobodno. Jekh aver kvalifikacija ko nezavisno cilji tano o eko sistemi baš i kultura ki celo phuv.

Ki pomoč kotar o Småländsk arakhibasoro barvalipe hem energia, e regionesiri paše distanca hem i bari tradicia ki saradnja ave-re regionencar, o Region Kronoberg isi olje but šuže kvalifikacije te čerel aktivno buti ko kulturno-političko nezavisno cilji.

O Region Kronoberg čerela duj prioritetija so ka pomožinen ko nacionalno kulturno-političko nezavisno cilji 2025–2028.

PRIORITETI 1:

Amen mangaja jekh sigurno hem zoralo kulturno đivdipe ko kulturno pluralizmi, kvaliteti hem umetničko nevipe ko kronoberg

Akava ka čera zajedno ko 2025–2028:

- but berša te arakha o modeli ko kulturakiri saradnja hem te čera stabilna mogućnostija hem saradnje ko regionalna kulturna aktivitetija,
- te barjačera o kvalitet, umetničko nevipe hem organizacijsko progresi,

- te barjačera i inter-regionalno saradnja ki Regionsamverkan Sydsverige,
- kulturno-političko saradnja ko sa o nivoija barabar e komunencar te barjačera o uloge ko modeli ki kulturakiri saradnja,
- te čera šuže mogućnostija e manušenđe so tane profesionalcija ki kultura, bešena akate hem čerena buti akate.

PRIORITETI 2:

Amen čeraja te ovel pozoralo o profili kotar kronoberg ki umetničko sloboda, vačeribe hem literatura

Akava ka čera zajedno ko 2025–2028:

- te ova jekh zoralji organizacija so ka sikavi sar čerena pe o rutine hem sar čerela pe buti ko slobodno vačeribe hem umetničko sloboda ko jekh polarizirimo avdisutno vreme,
- te barjačera i kompetencia ko slobono vačeribe ko sa o nivoija ko modeli ki kulturakiri saradnja,
- te barjačera i regionalno saradnja ki literatura.



Participialno cilji

Ko kronoberg sarine isi oljen šansa te oven delo kotar o kulturno đivdipe

O kulturno-političko participialno cilji inkludirini o manuškano pravo hem tano jekh važno tačka baš i demokratia. O oficialno sektori valjani te respekterini e individen so mangena te oven oljen jekh umetničko avantura ja ako mangena te mothoven pi umetnost.

Ko Kronoberg tane but šuže o kvalifikacije aktivno te čerel te buti te avel pe di ko participialno cilji. O manuša so bešena akate, o "kulturella kronobergarna", tane but aktivna ki kultura ako dikhaja ko nacionalno nivo. O Småland ikljola hari pobuter kotar avera ki produkcija so čerela kokri.

O Region Kronoberg čerela duj prioritetija so ka pomožinen ko nacionalno kulturno-političko participialno cilji 2025–2028.

PRIORITETI 3:

Amen ka čera o kulturno đivdipe te ovel dostopno ki Kronoberg – akate but lokheste šaj te ove delo kotar i kultura

Akava ka čera zajedno ko 2025–2028:

- nudinaja tumenđe jekh baro kulturno programi kova ka varirini hem ka ovel olje šukar geografsko, digitalno, fizičko hem čhibjakoro nivo,
- te vazda o nivo ko nacionalna minoritetija te oven oljen šansa te arakhen hem te barjačeren pi kultura hem pi čhib,

- te čera neve šanse baš i participacia ko kulturno đivdipe hem ki kultura ko e manušengoro svako dive,
- te barjačera o regionalna strukture ko civilno društvo hem neve saradnje- hem aranžerska forme.

PRIORITETI 4:

Amen garantirina e tiknende hem e ternende vredno kulturno đivdipe akate ki kronoberg

Akava ka čera zajedno ko 2025–2028:

- nudinaja tumenđe jekh kvalitetno regionalno kulturno aktiviteti kaj ka ovel pluralizmi hem kultura dostupno e čhavorende hem e ternende,
- i saradnja avere komunencar ka ovel pozoralji baš i buti so inkludirini i kulturno škola,
- te vazda e čhavorengoro hem e ternengoro kulturno produktiviteti hem participacia ko kulturno đivdipe hem ko društvo.





Društveno cilji



Ko kronoberg o kreativiteti, pluralizmi hem umetničko kvaliteti ka formirini o progresi ko društvo

I kultura isi ola bari vrednost, ama hem producirini jekh baro šukaripe ko civilno društvo. O kulturno-političko društveno cilji inkludirini akava: e kulturakere "biefektija" hem o značaj kotar e progresesoro zoraljipe ko društvo. I kultura hem o civilno društvo vazdela o društvo, socialno hem ekonomski hem isto isi važna funkcije ko stabiliteti, sigurnost hem spremnost ko krizno vakti.

Sebepi amare metode hem so hijam paše avere komunencar amari buti ko Kronoberg dičhola but šukar te čera aktivno buti hem te ava di ko kulturno-političko društveno cilji.

O Region Kronoberg čerela duj prioritetiha so ka pomožinen ko nacionalno kulturno-političko društveno cilji 2025–2028.

PRIORITETI 5:

Amen vazdaja e kulturakoro hem e civilno društvosoro nivo te ovel amen jekh stabilno Kronoberg

Akava ka čera zajedno ko 2025–2028:

- te vazda i saradnja ki kultura ko regionalno nivo hem o resursija so isi ko civilno društvo te vrtinen pe ko krugo,
- te čera buti ki integracija hem analiza ko jednakost ki kultura ko regionalno nivo,

- te čera pozoralje ki buti so inkludirini i sigurnost hem i spremnost ko krizno vakti hem te planirina sar te arakha amari kultura ako ovela maribe.

PRIORITETI 6:

Amen vazdaja e kulturakoro hem e civilno društvosoro nivo o manuša te osetinen pe pošukar hem te čera jekh poatraktivno Kronoberg

Akava ka čera zajedno ko 2025–2028:

- te barjačera i buti ki kultura ko thana kola tane prirodno hem historisko but važna,
- te barjačera o kulturno sektor hem te konektirina te ovel jekh po atraktivno than o manuša te posetinen,
- aktivno te čera buti ko produktiviteti hem te vazda o dandipe kotar e kulturakere efektija.

E regionengoro kulturno plani

– jekh delo kotar o modeli ki kulturno saradnja

Jekh regionalno kulturno plani tano kvalifikacia te ovel pe jekh delo kotar o državno modeli. Odova značini so i država hem o regionija čerena zajedno buti te avel pe di ko nacionalno kulturno-političko cilji ki celo phuv. E regionengoro kulturno plani tano ko zakon (2010:1919) hem (2010:2012), ama hem tano jekh delo kotar o principija ko Kulturrådet.

O kulturno plani isi olje but funkcije hem bari grupa


O kulturno plani tano jekh delo kotar o kulturno-političko dokumenti, kaj o regionija mothovena pe prioritetiha hem sar ka pratinen o kulturno-političko cilji ko nacionalno nivo. Odova tani i osnova baš o dialog hem saradnja kaj so isi but interesirime ko pučibe kotar i kultura kote isi dokumenti so mothovi o regionalno kulturno aktiviteti. O kulturno plani bičhali pe ko Kulturrådet hem tano osnova sar ka podelini pe i ekonomsko pomoč ko regionija.

Tikni verzia kotar o kulturno plani kronoberg 2025–2028

Akate ki tikni verzia mothovi pe o cilji hem o prioritetiha so isi ko Region Kronoberg. Ako mangeja pobuter informacia dikh o Kulturplan Kronoberg 2025–2028. Othe isi but pobuter informacia kotar o Region Kronoberg regionalno kulturno saradnja, informacia save promene isi hem o definicije kotar o kulturno-politička konceptija so koristinena pe ko kulturno plani.



[www.regionkronoberg.se/
kultur-och-upplevelser/
kulturplan-kronoberg](http://www.regionkronoberg.se/kultur-och-upplevelser/kulturplan-kronoberg)





STEINWAY & SONS



REGION
KRONOBERG

Region Kronoberg, 351 88 Växjö | 0470-58 80 00 | region@kronoberg.se